

Penyumbang

Penyumbang Isi




Peter Lim

Written and Directed by: Peter C.T. Lim

Ditulis dan diterbitkan oleh: Peter Lim Cheong Thye
(B. Ec - Comp Sc, Dip O.R., Monash; MBA, AGSM
NSW, Sydney)

Peter Lim merupakan penulis dan penerbit Siri Buku Multimedia Penjelajahan Alkitab kanak-Kanak. Beliau mempunyai pengalaman selama 20 tahun di industry I.T, bekerja untuk syarikat seperti IBM, SAP dan Oracle. Beliau dan isteri mendirikan Pristine World pada tahun 2005, sebuah syarikat yang dikhususkan untuk menerbitkan bahan-bahan bantuan pendidikan dan kisah-kisah Alkitab untuk kanak-kanak. Beliau juga seorang ahli Gereja Methodist Damansara Utama (DUMC), Petaling Jaya Malaysia.



Pr Chris Choo

Editor Penasihat: Pastor Christopher Choo Yew Choong
(LLB London University, Lifeline International Ministries Singapore,
Vision Bible College, Tabernacle of Glory, Kualu Lumpur)

Pr Chris Choo merupakan seorang guru Alkitab dan juga Pemimpin Pengajian untuk Ziarah ke Israel dan tanah Alkitab. Dia merupakan seorang pakar di dalam Sejarah Alkitab.

Penasihat Projek: Rev. Dr. Yu Chee Huat (Trinity Theological College Singapore, Bachelors in Divinity and Masters in Ministry. PhD dari San Francisco Theological Seminary).

Reka bentuk dan karya seni

Reka Bentuk Grafik: Kee Hup Thong

Ilustrasi tambahan: Julius Tan

Foto oleh: Penulis (Peter C.T. Lim) ditanda © PCTL

Pastor Chris Choo ditanda © CC

Penterjemah edisi Bahasa Malaysia

Stemmah Sariau, (Penterjemah dan Editor, Pertubuhan Bible Malaysia dan RBC Ministries, Malaysia).

Editor Kopi terjemahan

Julidin Lumanggong (Staf penuh masa Malaysia Campus Crusade for Christ)

Lenny Lysandra Richard (Bachelor of Music (Hons) Contemporary (Vocal Performance), UCSI; Diploma in Performing Arts (Screen Arts), UiTM).

ISI KANDUNGAN

Kejadian Jilid 1 - Dari Penciptaan sehingga Abraham

| | |
|--|-------|
| Pendahuluan bagi Kejadian | ms.6 |
| 1. Cerita Penciptaan | ms.8 |
| 2. Taman Eden | ms.13 |
| 3. Adam dan Hawa | ms.16 |
| 4. Kain dan Habel | ms.20 |
| 5. Nuh Membina Bahtera | ms.24 |
| 6. Banjir Besar | ms.28 |
| 7. Menara Babel | ms.33 |
| 8. Abram dan Panggilan Allah | ms.36 |
| 9. Abram dan Lot | ms.41 |
| 10. Janji seorang Anak Lelaki | ms.46 |
| 11. Abraham dan Perjanjian Allah | ms.49 |
| 12. Abraham Merayu bagi pihak Sodom | ms.52 |
| 13. Apa yang Berlaku di Sodom dan Gomora | ms.55 |
| 14. Ujian bagi Abraham | ms.59 |
| Epilog | ms.64 |

Kejadian Jilid 2 - Ishak, Yakub dan Yusuf

| | |
|---|--------|
| 15. Ishak dan Ribka | ms.66 |
| 16. Yakub dan Esau - Cerita Hak Anak Sulung | ms.70 |
| 17. Perjalanan Yakub | ms.75 |
| 18. Yakub dan Anak-anak Perempuan Laban | ms.78 |
| 19. Yakub Kembali ke Kanaan | ms.82 |
| 20. Yusuf dan Abang-Abangnya | ms.86 |
| 21. Yusuf dan Potifar | ms.89 |
| 22. Orang Tahanan dan Erti Mimpi | ms.92 |
| 23. Si Tukang Mimpi dan Raja | ms.95 |
| 24. Orang Tahanan Menjadi Perdana Menteri | ms.99 |
| 25. Masalah Yakub | ms.102 |
| 26. Pertemuan dan Perdamaian Keluarga | ms.105 |
| 27. Penghujung Kejadian - Puak Menjadi Bangsa | ms.109 |
| Rujukan | ms.112 |

1. Cerita penciptaan

Kejadian 1:1 - 2:3

Alkitab memberitahu kita dengan amat jelas bahawa Allah ialah pencipta alam semesta. Fakta ini diceritakan dalam banyak bahagian Alkitab, di dalam Perjanjian Lama dan juga Perjanjian Baru. Fakta ini paling jelas diterangkan kepada kita di dalam buku Kejadian. Allah telah mencipta **alam semesta kita**, planet kita, matahari, bulan dan bintang-bintang. Buku ini memberitahu kita bahawa Allah memberikan hidup kepada planet ini dan Allah telah menciptakan manusia serta semua makhluk lain. Inilah kisah penciptaan seperti yang diceritakan di alam Kejadian fasal satu.

¹ Pada mulanya, ketika Allah mula menciptakan alam semesta, ² bumi belum berbentuk dan masih kaca-bilau. Samudera yang bergelora, yang menutup segala sesuatu, diliputi oleh kegelapan yang pekat, tetapi kuasa Allah bergerak di atas permukaan air. ³ Allah berfirman, "Hendaklah ada cahaya," lalu cahaya pun ada. ⁴ Allah berpuas

hati melihat hal itu. Kemudian Dia mengasingkan cahaya daripada kegelapan. ⁵ Dia menamakan **cahaya itu "Siang" dan kegelapan itu "Malam"**. Setelah malam dan pagi berlalu, itulah hari yang pertama.

Kemudian Allah berfirman, "Hendaklah ada kubah di antara air. Biarlah kubah ini memisahkan air di atas dan air di bawah." Allah menciptakan langit dengan atmosfera di atas **bumi**. Hal ini berlaku pada hari kedua.

Pada hari ketiga, Allah berfirman, "Hendaklah air yang ada di bawah langit mengalir ke satu tempat agar tanah kelihatan." Dan hal itu berlaku. Allah menamakan tempat yang kering itu "darat", dan air yang terkumpul itu "lau". Kemudian Allah berfirman, "Hendaklah tanah mengeluarkan **segala jenis tumbuh-tumbuhan**, ia jenis yang menghasilkan biji-bujian dan jenis yang menghasilkan buah." Lalu

FAKTA MENARIK

Cahaya itu "Siang" dan kegelapan itu "malam":

Bumi kita berpusing pada paksinya sendiri sekali dalam 24 jam. Ini membolehkan cahaya matahari bersinar pada seluruh bahagian bumi untuk masa-masa tertentu. Jika pusingan bumi mengambil masa terlalu lama, maka bahagian yang disinari matahari akan terbakar dan bahagian yang dalam kegelapan akan menjadi beku. Jika bumi berpusing terlalu cepat pada paksinya, maka ia akan menyebabkan angin rebut yang kencang. Misalnya, planet Zuhal berpusing pada paksinya sekali dalam 10 jam. Ia mencaat rebut kencang dengan kelajuan angin sehingga 10,000 batu sejam. 24 jam sehari adalah kelajuan yang sesuai, menurut ketetapan Pencipta, untuk planet kita.

FAKTA MENARIK

Bumi:

Planet kita, iaitu Bumi, adalah planet ketiga dari kedudukan Matahari. Diameternya 12,500 km dan mengandungi kira-kira 525 juta km padu air yang meliputi 70% daripada permukaannya. Di atas permukaannya terdapat campuran oksigen dan nitrogen yang begitu seimbang untuk memberi hidup dan ini terdapat dalam udara sehingga 600 km di angkasa.



bumi dipenuhi oleh hutan dan tumbuh-tumbuhan. Dan Allah berpuas hati melihat hal itu.

Pada hari keempat, Allah berfirman, "Hendaklah ada benda-benda terang di langit untuk memisahkan siang daripada malam, dan untuk menunjukkan permulaan hari, tahun, serta perayaan agama." Lalu hal itu berlaku. Demikianlah Allah menjadikan dua benda terang yang besar. Benda terang yang lebih besar untuk menguasai siang dan **benda terang yang lebih kecil untuk menguasai malam**. Dia juga mencipta bintang-bintang. Dan Allah berpuas hati melihat hal itu.

FAKTA MENARIK

Alam Semesta Kita:

Meliputi ribuan juta galaksi. Galaksi kita, iaitu Bimasakti, terbentang dengan keluasan 100,000 tahun cahaya dan mungkin meliputi 100 juta bintang. Sistem suria kita terdiri daripada sebuah system planet dan asteroid dalam orbit mengelilingi sebuah bintang yang sederhana besar. Bintang ini, berukuran 15 juta oC pada terasnya dan 6,000 oC pada permukaannya, merupakan stesen raksasa yang dijana oleh pembelahan nuclear yang memancarkan haba dan cahaya kepada planet-planet yang mengelilinginya. Kita menamakan bintang ini Matahari.



FAKTA MENARIK

Segala jenis tumbuh-tumbuhan

Terdapat kira-kira 300,000 spesies tumbuhan yang sudah diberi nama. Alam haiwan mempunyai lebih 1.2 juta spesies dan sub-spesies.



FAKTA MENARIK

Benda terang yang lebih kecil untuk menguasai malam:

Fakta tentang bulan kita: jarak bulan dari Bumi adalah 34,403 kilometer (238,857 batu). Diameternya 3,476 kilometer (2,160 batu). Putaran Bulan dan orbitnya untuk mengelilingi Bumi mengambil masa 27 hari, 7 jam, dan 43 minit. Bulan disebut LUNA oleh orang Rom.

Pada hari kelima, Allah berfirman, "Hendaklah air dipenuhi berjenis-jenis makhluk hidup, dan udara dipenuhi berjenis-jenis burung." Demikianlah Allah menciptakan binatang raksasa laut, dan semua jenis makhluk yang hidup di dalam air, serta semua jenis burung. Allah berpuas hati melihat hal itu. Allah memberkati semuanya dalam memberikan perintah kepada makhluk yang hidup di dalam air supaya membiak serta memenuhi laut, dan juga kepada semua jenis burung supaya bertambah banyak.

Pada hari keenam, Allah mencipta semua binatang yang tinggal di darat. Dia mencipta mamalia yang berjalan di atas bumi, reptilian yang merayap di atas tanah, bahkan semua makhluk yang tinggal di bawah tanah.

Kemudian Allah berfirman, "Sekarang Kita akan mencipta manusia yang akan menjadi seperti Kita dan menyerupai Kita. Mereka akan menguasai seluruh bumi." Demikianlah Allah menciptakan manusia dan menjadikan mereka seperti dirinya sendiri. Dia menciptakan mereka lelaki dan perempuan. Kemudian dia memberkati mereka



FAKTA MENARIK

Binatang Raksasa Laut:

Ikan paus biru adalah mamalia yang terbesar, dan kemungkinan haiwan yang paling besar yang pernah menghuni bumi.

Ikan paus biru terpanjang yang pernah dicatat adalah 198 kaki panjang, iaitu seekor ikan paus betina yang ditangkap semasa mencari ikan paus di Antartika! Pada zaman moden, ikan paus biru di Hemisfera Selatan mencapai 90-100 kaki panjang. Tetapi spesies yang sama di Hemisfera Utara adalah lebih kecil, dan purata panjangnya adalah 75 hingga 80 kaki (23 hingga 24.5 m). Berat ikan paus biru boleh mencapai 100 tan lebih (99.88kg). Ikan paus betina lebih besar daripada ikan paus jantan yang sama umur. Dan yang paling berat mungkin boleh mencapai 150 tan (136,000 kg).

Ikan paus biru adalah perenang yang laju dan kuat, dan boleh mencapai kelajuan sehingga 30 bsj (48.3



km/sejam) apabila ia takut, tetapi biasanya ikan paus biru berenang pada kelajuan kira-kira 12 bsj (19.3 km/sejam).

Sumber LEMBARAN FAKTA AMERICA CETACEAN SOCIETY.

dan berfirman, "Hendaklah kamu mempunyai anak cucu yang banyak, supaya keturunan kamu menduduki seluruh muka bumi dan menguasainya".

Pada hari ketujuh, Allah menyelesaikan pekerjaan-Nya, lalu Dia berehat. Allah memberkati hari yang ketujuh dan menjadikan hari itu sebagai hari istimewa, kerana pada hari itu Allah berehat setelah menyelesaikan pekerjaan-Nya.

2. Taman Eden

Kejadian 2:4-25

Di dalam Kejadian pasal satu, kita diberitahu bagaimana Allah mencipta dunia dan semua makhluk yang hidup di dalamnya. Di dalam pasal dua, sebahagian cerita itu disampaikan semula tetapi fokusnya lebih kepada penciptaan manusia.

⁷ Kemudian TUHAN Allah mengambil sedikit tanah dan membentuk manusia, lalu menghembuskan nafas yang memberi hidup ke dalam hidup hidungnya; maka hiduplah manusia itu. Allah menamai taman di tanah Eden dan menempatkan manusia yang dicipta-Nya di sana.

Dan Allah membuat segala jenis pokok untuk bertumbuh di tanah. Pokok-pokok itu kelihatan cantik dan menghasilkan buah yang sedap dan berkhasiat. Di tengah-tengah taman itu, Allah menanam dua batang pokok yang sangat istimewa. Sebatang pokok adalah pokok kehidupan dan pokok yang lain adalah pokok pengetahuan tentang yang baik dan yang jahat. Taman Eden diairi oleh sebatang menerusnya dan sungai yang mengalir menerusnya dan sungai itu terbahagi menjadi empat sungai yang lebih kecil. Nama empat sungai itu adalah Pison, Gihon, Tigris dan Efrat.

Kemudian Allah membawa semua makhluk hidup dan burung yang diciptakan-Nya kepada Adam supaya diberi nama. Dengan tindakan ini, Allah membuat manusia sebagai penguasa ciptaan-Nya. Oleh itu, Adam memberi nama kepada semua makhluk hidup dan burung di udara, dan apa pun nama yang diberi oleh Adam kepada setiap makhluk hidup, itulah yang menjadi namanya.

FAKTA MENARIK

Manusia:

Tubuh Manusia mempunyai 206 kerat tulang yang dikerah untuk melakukan gerakan berjalin-jalin dan kompleks oleh 600 otot berlainan yang diudarakan oleh 300 juta kantung udara di dalam paru-paru. Tubuh dipanaskan dan diberi nyawa oleh 6.5 liter (atau kira-kira 10 pain) darah yang mengalir 1000 kali sehari melalui saluran darah, arteri, urat

darah dan kapilari, dan jika diukur dari hujung ke hujung, panjangnya boleh mencapai berpuluh-puluh kilometer setiap orang.

Tetapi manusia bukan hanya terdiri daripada tubuh fizikal. Allah juga memberi dia roh yang ingin berkomunikasi dengan Pencipta. Manusia adalah satu-satunya makhluk yang dicipta menurut rupa Allah dan diberi tanggungjawab untuk menjaga ciptanya.

FAKTA MENARIK

Alkitab mengajar kita bahawa ada satu Allah yang mencipta:

Ada banyak ayat rujukan di dalam Alkitab yang menyatakan bahawa Allah mencipta dunia. Sebahagiannya disenaraikan di bawah:

- Yesaya 40:12-31
- Mazmur *:2-10
- Ayuh 38:4-41
- Yohanes 1:1-3

Cerita penciptaan mencabar kepercayaan orang

pada zaman itu. Benda seperti bulan, matahari dan bahkan bumi adalah benda yang dicipta. Abraham berasal dari Ur, dan orang di sana menyembah bulan. Orang Mesir menyembah dewa matahari dan Sungai Nil yang memberi kehidupan. Mereka juga percaya bahawa raja mereka, iaitu Firaun, adalah jelmaan dewa matahari. Kejadian memberitahu kita, seperti yang berlaku pada pendengar yang mula-mula, bahawa Allah mencipta segala sesuatu. Dan Allah menjadikan setiap manusia sebagai penguasa bumi selagi mereka hidup mengikut peraturan yang ditetapkan oleh Allah sendiri.

Pelajaran daripada Cerita ini

1. Alkitab mengajar kita bahawa hanya satu Allah yang mencipta alam semesta dan dunia kita. Segala sesuatu yang wujud, termasuk jirim, objek dan benda hidup wujud atas perintah Allah.
2. Pada waktu alam semesta dicipta, Allah "berpuas hati", dan itulah penilaian-Nya. Alkitab menggunakan perkataan ini untuk menunjukkan bahawa Allah berpuas hati dan menikmati dunia yang telah diciptakan-Nya. Ciptaan-Nya itu adalah sempurna.

Soalan untuk Perbincangan

1. Mengapakah frasa "Allah berpuas hati melihat hal itu" sering diulang?
2. Apakah makna frasa "Allah menciptakan manusia dan menjadikan mereka seperti diri-Nya sendiri"?
3. Apakah beberapa sifat Allah yang kita boleh pelajari daripada cerita ini?

FAKTA MENARIK

Nafas yang memberi hidup:

Bahagian ini mengulangi cerita penciptaan yang disampaikan di dalam kejadian 1. Bagaimanapun, ia menitikberatkan kepentingan pada penciptaan manusia. Allah menghembuskan nafas yang memberi hidup ke dalam tubuh manusia. Tiada makhluk lain yang diberi penghormatan seperti ini.

FAKTA MENARIK

Taman Eden:

Istilah Eden mungkin berasal daripada perkataan Ibrani untuk 'kegembiraan' atau daripada perkataan timur tengah yang membawa erti tempat yang banyak air. Di manakah letaknya Taman Eden?

Lokasi Tamnan Eden tidak diketahui. Hanya dua daripada empat sungai yang disebut di dalam Kejadian 2, iaitu Tigris dan Efrat, diketahui pada hari ini. Sumber sungai ini di pergunungan Armenia di Turki Timur dan mengalir menerusi Mesopotamia ke Teluk Parsi.

